

de fêua d'into sentê) e alôa l'ægoa a chinn-a lóngo o sentê, scavândolo. Ma no bàsta: réixe de fêua che ti ti ghe peu incianpâ, pericolôze sorviatutto in deschinâ, pâli abatûi, 'na ciappa de beatitudini rôtta e ghe de âtre che se lêzan pôco.

L'è alôa ch'ò pensòu: t'eu védde che o diào o se piggia a rivinçita in sce quéllo ch'ò vorieiva l'òmmo?

Into dexénbre do 2013 són andæto a védde in che condiçion o l'èa o Sentê de beatitudini. Quarchedùn o ghe stæto a fâ 'n pô de manutençion. O gratacû o l'è stæto poðu, són stæte tagiê e ràmmie, e frâsche e-e òrtîghe e i sórchi fæti da l'ægoa són stæti inpîi ciù de priétte che de tæra, ma schivaieu no n'ân fæto. E banchinn-e scinn-a a pròscima primavéia són sènsa òrtîghe, ma rèstan scivertæ cosci còmme e ringhêe de légn. Ascì e réixe de fêua continoàn a èse pericolôze: âtro che beatitudini!


V'invîto a preuvâlo: tânto o sò che, còmme mi, voiâtri ascì quârche pecòu da scontâ ghe l'èi. Fæve portâ in màchina a Sant'Ànna, dôve inte l'ùrtima grânde goæra gh'èa e bäterie, e montæ a pê pe-o nêuvo strazétto do diào scinn-a a Capélla: la gh'è de nêuvo a strâdda. Són mêno de çénto mètri de dislivéllo e gh'è sòlo 'na chinzénn-a de menûti da tribolâ, ma dapeu ve sentiéi ciù legêri, into spîrito. E arivæ in çimma (còmme se díxe pe-i pecoéi a-o confesòu) poriéi dí ascì: no-o faiö ciù (o strazétto do diào, bèn s'inténde), 'na vòtta a me bàsta e avànsa.

Note

1 – La località Sant'Anna si trova sul crinale che scende verso meridione dal Monte Figogna, passando dal poggio dov'è la Cappella della prima apparizione 777 m.

2 – In genovese si chiama *gratacû* sia il cinorrodo della rosa canina o rosa di macchia (pianta officinale), sia per estensione l'intero cespuglio. Il cinorrodo è una coccola di forma ovoidale e

di colore rosso brillante che al suo interno ha i frutti veri e propri. Il nome in genovese, minacciando fastidiosi pruriti, è un evidente consiglio a non mangiarlo.



La nuova statua della Vergine col Bambino, opera in bronzo dello scultore Franco Repetto, inaugurata nel giugno 2007. Donata dal "Mondo del Lavoro" genovese, è stata collocata su un antico pilone alla sommità della salita che porta i veicoli al Santuario



Banchinn-e scivertæ, ringhêe abatûe, ciappe che se lêzan pôco